

www.BibleForChildren.org

Yakap 3



Adamä mängätnä "Äminbamu
käluk yiwitning täpäläpäle apekngä
däkngawik," yake, umanä Iv yang
inikut.



Anätu Yawetä hängä dakngä käyä pahakutkätanu, gomoxu äminu kem yänikäxäluwikge nomän hikngä. Ge mängälä täpä yawänyaxu using inikut. "Anätutä 'Pa salinu puyä alängäne nanä manahol,' yangu hiyäkände hikngä danikut?" yang inikut.




Iniwän mängälä
täpätä using inikut.


"Pa salinu alängäne
nanä täke nahim.

Tiwändeyä Anätutä
using ninikut. 'Pa puyä bänäkän
nanä däkäle salinu manahol.


Tike kätakgaxäyä
malahol. Using tahakengu
axumsimäläk,' yang
ninikut," yang inikut.




Yawän
gomokgä inikut.
"Doxumsimäläk.
Anätu using natäpgut.
'Unin nakengu, kayi
kakalä tining. Tiwän nina
bimä däkngake, nomän bä
wäyi yang natäpsimäläk,
yang natake usingu ile
danikut," yang inikut.



Mängälä täpätä pa undäkäle
salinu kayitä dayipän, nomän
tiwä, nänangäsä tikin. Tiwän
unin napän, natädetdetnä käyä
tiwikge natäpgut. Ge unin päke
naxäwik, käwutdu
ayäle imän nakut.



Unin napät, natdetdetnä
kakalawä, "Belum yiwixamäk,"
yang natäpgumäläk. Tikengä pa
"fixu" däkätule täm päke,
gupnä wamäng umukumäläk.





Tiwändeyä AnätuYawetä wäwi täpä
using inikut. "Adam, Gä sandan?" yawän,
using yakut. "Puyäxätan apuhiwi kake, nä
belum yiwitde äanaxälake kohoppinggat," yakut.





Yawän Anätutä inikut. "Gä belum
yangu imindä ganik? Pa salinu
donapiläkge ganikumu imindä
ganiwän naläk?" yawän,



Adamä "Mängälä näxätde tekuläxu aläpätä
pa salinu notnä anamän nat," yang inikut.
Tiwän Anätu Yawetä mängälä uläpä
"Uläknga inale tahaläk?" yang iniwän,
mängälätä "Gomokgä kem naniwän
nat," yakut.





Tikengä using yakut. "Wäwi
aläpä nihä bimä andäkngake, nomän
bä wäyi yangu anatäxak. Ge pa käluk
yiwitnangäsä däkätäne salinä
nake, käluxu iwikge yiwiyäk"
yake, puyä
Idenkätanu
ulängänetä
täwakut.






"Anätu Yawetä äminu uläpä
kepdä kwätalukum. Ge
äminu uläpä kewu undäkäne
yamäpuke pahawik," yake,
täwambän epuxukut.




Tiwän puyä ulängä gusitdä
akonggak käwutkätan, ängela
kerup yang yänikaying
täpäläpaxät gwäwäyä
täpätuxät pewän kang
yiwikin.





Keruwu uläpäläpä kitokngänä kayä.
Tiwän gwäwäyā uläpäne, däki
ayähakoxawä kungapgut. Anätutä
unin pewän, itä pa käluk
yiwitnangäsä
däkäle kahilu
kang yiwikin.



Adamu mängätnä Ivkät yiwikumäläk. Tiwän tängene
käyä tiwänä, wawakngä täpätu dukngikut. Tikengä
"Yawetä gatängamän, wäwi täpätu kake tät," yake,
umanä Ken yang inikut. Tikengä yiwitäke kuhika, Kende
ulawu, Abel, dukngikut. Uläpäyalu

inulung täpäyat tike,

Abelu sipsip

daying


yiwixawän,

Kenu nak puyä


pahakakut.



Gwendune Kendä naxu puyäne nanä päke,
Yawele ofa tahakut. Tixawän Abelü sipsip
mätexu yakap pekin gwengwenu ofale
päkut. Tikengä sipsip mätexu sipmäke
matäke, gwaxu nomängän
tahakut, ofanän.



Unin imän, Yawetä Abelkät ofanäxätde täke
natäpgut. Tike Kenkät ofanäxätde mähe
natäpgut. Ile tiwän Kenu tokngä
hikngä natäpän, nomnä malikin.



Tiwänä Kendä ulapnä iniwän, songäxätan kukumäläk.
Täku une tänguwän kumgut.




Tiwänä Yawetä Kenu using inikut. "Ulapda Abelu sandan?" yang iniwän, Kendä using inikut. "Doxat. Inale naninggaläk? Nä ile kula tahanggalunin?" yang inikut. Tiwän Kenu Yawe äwä kewu Idenu uwom yang peke, gusitdä akonggak käwutkätan kewu womdu, umanä "Tihikuktihikuk" uwomune päku yiwikut.



Adamu mängätnäxät hipdu yiwikumäläk.
Tiwänä mängätnätä wawakngä täpätu dukngike,
"Kendä Abel tänguwän kumgutde, Anätutä
engangu Abelde tangge namik," yake,
umanä Set yang inikut.




Tikengä krismasu 800 yiwixäwixu, wawak
yäpanä towikut. Unekänu krismasnä 930
yiwike kungut.




Tiwän Yawetä dayipänu, äminbamu
yiwiyiwikngä kekem hikngä tiwän,
bäniyäne wäyi pahaninggekän
natänggämätakin.




Natake yakut. "Äminu pahakumde, meyä
natäxat. Ge äminu undä pahawa hopining.
Hängä kewune yiwixaying äwä
awepmäke tihikukaying yangu
awahawa hopining,"
yang yakut.




Tiwändeyä Noale bänip gwaläng natäpgut.
Noale wawaxu täpäyalä täpätu. Umanä
Sem, Ham, Jafet yang.





2



60





Yakap 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Awara Bible (awx) © Wycliffe Bible Translators, Inc. All
rights reserved

<https://live.bible.is/bible/AWXWBT/GEN/1>

©2026 Bible for Children, Inc.

www.M1914.org

www.bibleforchildren.org

